



Minggu, 10 Oktober 2022
Ogen: Masmur 34:2-3



Lalap Ngataken Bujur



Perbeben Daud lenga ngadi, ia ayak-ayak Raja Saul erkiteken cemburu. La ate Saul kedududkenna selaku raja i Israel igantiken Daud. Biasana pe di kune Raja e lanai lit, anakna nge si jadi gancihna jadi raja. E maka erjuang kal Saul munuh Daud gelah kerajanna e la miser i bas ia nari. Amin pe Dibata enggo nulak ia ras enggo milih daud jadi gancihna. Kiam Daud ku jah-ku je ndarami ingan cebuni gelah ula tereteh man Saul. Tapi gelarna sekalak raja si termurmur paksa e, melala relasi Saul ras raja-raja sekelewetna. E maka ermomo ia man kerina kerajan i sekelewet Israel gelah nangkap daud di kune sei ia i bas daerahna. Jadi labo bebas Daud lawes ku ja atena.

Selaki jadi seh Daud i daerah Gad, i tangkap tentara-tentara kerajan e ia, i babana man Raja Akis, si jadi pemimpinna paksa si e. Seh biarna Daud ngenehen raja e sabap itandai pegawai kerajan e ia alu tangkas. Ia me si munuh Goliat kalak Pilisti dengen naluken kerina tentara-tentarana. Mbiar Daud ilapurken raja Akis man Saul maka ia gundari i daerah Gad. Erkiteken si e ipekulah-kulahna la demsa ukurna i lebe-lebe raja Akis, janah adi icubaken pegawai e mpesinik ia minter ibahanna langkahna bagi kalak mehado. Ipelepasna tehtehna nehtehen ku janggutna. Erkiteken si e dongkel akap raja ngenehen langkah Daud e maka ipelepasna lawes i bas rumahna nari. Janah labo ilaporkenna man raja Saul kerna Daud e. Selamat Daud i bas pengayak-nyak Saul nari.

I gejap Daud e pe penampat Tuhan si mbelin, bas lanai lit gegeh ras beluhna ipekulah-kulahna adon, kepe i je pe Tuhan nampati. Bas lanai terukuri Daud serpang puluh persoalenna, i je Tuhan reh nampati ia. Lanai lit belas-belas Daud seakatan ngataken bujur man Tuhan sabap la erngadi-ngadi Tuhan engkelengi ia. La akp Daud bias adi ia ngenca ngataken bujur. Iiahkenna kerina perpulungen gelah ngataken bujur man Tuhan erkiteken kiniulinNa si mbelin. Lit kin perbebenta si la dung adi ras Tuhan? Pendungi dahin tetaplah ngataken bujur.

Bas la gasup e, Tuhan je erdahin.